



## Tita tih+k+ ITEI?


Instituto de Transparencia, Información Pública y Protección de Datos Personales del Estado de Jalisco, ITEI tiuter+war+wat+ muwe. M+k+ yuxa+ta yukemat+ p+ti'uximaya, tats+ manuy+ne, Tatuwani niukieyatsie (Poder Ejecutivo), 'Its+kate xapate kiekari kem+reuyukuhanani mem+tiwewiwa (Poder Legislativo) yat+ni 'Its+kate xapatetsie mekanenieret+ xanetsikatsie 'aix+ mem+tehakayuruwa (Poder Judicial) m+karawiy.

P+'uximayatsikaya m+tih+ka, te+teri meheuyuxe+riet+ mem+te'uximaya, kiekari hetsie mieme yat+ni yuhetsie mieme, kiekari yat+ni municipios tuminieya memanu'+we, yamem+tekahunik+ kemem+teku'ait+ariwa kiekaripa yu'uximayatsika m+hek+akak+

Ley de Transparencia y Acceso a la Información Pública del Estado de Jalisco y sus municipios xapa m+tika p+tiwaramamate sujetos obligados mep+tetetewa yunait+ te+teri meheuyuxe+riet+ mem+te'uximaya kiekari tuminieya memanu'+we yat+ni memikuma+wa.

X+ka Sujeto Obligado tewat+ yakatikamieni kem+ti'ait+arie, ITEI p+y+we mana meu yehani kem+'ane muta'iwau m+ta'eyarienik+.

ITEI, tsiere nait+ xapate kiekatari wahetsie m+tiutiniuka p+ti'h+, ti'+wiyat+ m+karayuhék+atanik+. Sujetos Obligados mem+tetewa, mep+kay+wawe mem+tehahek+atani kiekatari waxapate tikweriwa'anenet+ tiyuku'eriyat+ m+rayehuk+ .



M+k+ ta pa+na, kiekari tuminieya manu'+wek+, ITEI sujeto obligado payeika, 'ayumieme naimek+ p+raye'at+wani m+k+ kemem+teku'ait+ariwa. Yu'Unidad de Transparencia mexeiyani, m+tihek+atani ketiku'uximayat+ m+kaniere, m+waku'eyani mema'iwawa 'its+kate kemem+teku'uximayata tsiere m+wa'enieka xapate '+wiyarika mem+wawa mem+'aita.



## **Titatsie ITEI matiupa-rewiwe?**

Pep+y+we pemitawauni xatsika yat+ni  
‘+kit+arika kepetiyurieme ‘its+kate  
wa’uximayatsika tihetsie mieme  
pem+rakumaikak+ tsiere xapate ‘ahetsie  
mieme mutiniuka ‘aix+ m+ti'+wiyariekk+.

X+ka Sujeto Obligado petiutawawirieni m+k+ ta  
kamatsi’uta’eiya kepa+ka tsiere kepa+  
m+ti'ait+arie, yat+ni matsi’uta’eyakut+t+  
‘ahepa+tsita reuyewet+ p+rat+a yat+ni ‘aix+  
pep+katiu’eyarie, pep+y+we pemita’aita  
makaxeiyarieni (recurso de revisión) ITEI  
h+xie.



X+ka Sujeto Obligado karahek+atani  
kem+tiku’uximayata kem+reukun+’arie, yat+ni  
‘etsiwa p+ranukanama, pep+y+we pemita’aita  
m+rahek+atak+ (recurso de transparencia).

X+ka xapate ‘ahetsie mieme mutiniuka  
‘+wiyarika pe’utawauka kepem+reuyeh+akai  
pekatiu’eyarieni, pep+y+we pemita’aita ‘aix+  
xapate ‘ahetsie mieme mutiniuka  
m+ti'+wiyariekk+ (recurso de revisión en  
materia de protección de datos personales).




## Kepa+ 'iwaurika tiu'ut+ani?

### 'Iwaurika xeime keneutawewi!

#### 'Ik+ 'a'iwaikatsie p+rayehuni:

- Tetewat+ 'its+kate waki manuwet+ka kem+'ane pemeu'iwawayam+k+.
- Kepem+titewa yat+ni kepem+ti'ater+wa (x+ka pehei'ut+am+k+ni).
- Titatsie mem+tetimani 'ahetsie mieme: hakiewa me'akie, kepa+memetsie fax yat+ni ke'anemetsie correo electrónico pem+ra'ut+iyarieni.
- Tita petimaim+t+ pem+ra'iwawa tsiere titatsie raka'ut+me pem+reuyeh+wa pem+ta'eiyarieni.



#### Pep+y+we 'a'iwaikata pem+yetuani 'ik+tsie:

- Internet-tsie 'ik+ tsie peheuhame [www.plataformadetransparencia.org.mx](http://www.plataformadetransparencia.org.mx) yat+ni [www.infomexjalisco.org.mx](http://www.infomexjalisco.org.mx)
- Unidad de Transparencia muwe 'its+kame kiya m+tiwa'uximayatsie tita pem+timaim+k+ m+rayexeiya.



Pema'iwawa muwa mematsita'eiya: Unidad de Transparencia pexieya 'atahaikame tukari m+tiyu'uximaya heutineyu 'a'iwaikata memanuhuritsiepai m+k+ matsita'eiya tsiere pem+titamarieni yat+ni nauka tukari m+tiyu'uximaya x+ka xapa kepem+reukukwuye mayemie pe'utawauni.

Kena'eriwat+, 'ik+ 'iwaurika kiekaritsie timieme P+KARAYE'AXE, xeik+a pep+ti'atuani xapate '+kiyari pemanayehurieni (Xei tewiyark+ pep+kawiyarieni).



# Kepa+ tiu'ut+ani 'iwa urika Derechos ARCO mieme?

## Xapate 'ahetsie mieme mutiniuka kene'+wiyat+!

'Iwa urika keneuta'ut+a Derechos ARCO tsie pekanieret+.

### 'A'iwa urikatsie 'ik+ p+rayehuni:

- Tetewat+ 'its+kate waki manuwet+ka kem+'ane 'axapate manuhuri.
- Kepem+titewa.
- Titatsie mem+tetimani 'ahetsie mieme: hakiewa me'akie, kepa+memetsie fax yat+ni ke'anemetsie correo electrónico pem+reu'ut+iyarieni.
- Ke'aneneme mayehu 'axapatetsie 'ahetsie mieme mutiniuka pemeyeh+wa pem+tixeiya (Acceder), yapem+tay+ni (Rectificar), mana pem+tiuti'at+ani (Cancelar) yat+ni pem+ta'imani (Oponer).
- Ke'aneme xapak+ mem+tetimani kem+'ane pem+h+k+.
- Hipame xapate pem+rexeiya 'a'iwa urika m+t+r+kariya.




Pemiyetuani hakiewa pema'iwawa yat+ni 'its+kame kiya 'axapate muyekate.

Jalisco kiekariyartsie 500 heimana mep+yupa+me 'its+kate waki manuwet+ka kiekatari waxapate mem+tekuma+wa.

Hakiewa pema'iwawa mepexeiya tamamata heimana 'auxuwime tukari m+tiyu'uximaya mematsita'eija, naime x+ka ts+ perayeh+niya m+rayu'iwawa 'a'iwa urikatsie.

Keneukaxeiya xapate pem+rayeh+niya 'iwa urika 'ena maxaxatsiwa pem+tiwewieni 'ik+ tsie peheuhame  
[www.itei.org.mx/ejercetusderechos](http://www.itei.org.mx/ejercetusderechos)



## Pep+ka'uta'eiyarie yat+ni pep+katiuta'eiyarie titak+ pem+ra'iwawakai? ITEI h+xie keneuta'aita makaxeiyarieni

'Ik+ xapate keneyetua ITEI yat+ni Unidad de Transparencia hakiewa pemeta'iwau.

### 'Ik+ p+rayehuni:

- 'Iwaurika pemeyetua hahek+akame ketitewat+ menuhuri tsiere kepa+ka manuhuriya.
- Kepem+titewa yat+ni kepem+ti'ater+wa.
- Titatsie mem+tetimani 'ahetsie mieme: hakiewa me'akie, kepa+memetsie fax yat+ni ke'anemetsie correo electrónico pem+reu'ut+iyarieni.
- Ketitewakame sujeto obligado pem+'aita makaxeiyarieni.
- X+ka mana matiyurieneni, kememateu'ei yat+ni niuki memanayenet+a m+kamatsiunakix+.
- Titak+ pem+ti'aita.

Yutanake'erieyu kuxi yuniuki 'imat+riekame mieme kayetuawekaku, ITEI matsita'inieni xemanukayaxe pem+wara'iwawiya wahamat+a 'aix+ xem+texata.

X+ka m+pa+ pekareuyeh+aka yat+ni niuki xex+kaka'uxewiriya, pemita'ai niuki ke'anuy+t+ manayeneneni kenetakwewieka.

